




內閣文庫			
番號	漢	8345	
冊數	14 (1)		
函號	274	126	



軍旅害之三月後
奉使可危以月禱
存王之為

春秋左傳後序

晉杜預元凱撰

大康元年三月吳寇始平余自江陵還襄陽解甲休兵乃申抒舊
意修成春秋釋例及經傳集解始訖會汲郡汲縣有發其界內舊
冢者大得古書皆簡編科斗文字發冢者不以爲意往往散亂科
斗書久廢推尋不能盡通始者藏在祕府余晚得見之所記大凡
七十五卷多雜碎怪妄不可訓知周易及紀年最爲分了周易上
下篇與今正同別有陰陽說而無冢象文言繫辭疑于時仲尼造
之而尚未終之于遠國也其紀年篇起自夏殷周皆三代王事

無諸國別也。唯特記晉國起自殤叔次文侯昭侯以至曲沃莊伯。莊伯之十一年十一月曾隱公之元年正月也。皆用夏正建寅之月為歲首。編年相次。晉國滅獨記魏事。下至魏哀王之二十年。蓋魏國之史記也。推按哀王二十年太歲在壬戌。是周赧王之十六年。秦昭王之八年。韓襄王之十三年。趙武靈王之二十七年。楚懷王之三十年。燕昭王之十三年。齊湣王之二十五年也。上去孔丘卒百八十一歲。下去今大康三年五百八十一歲。哀王於史記襄王之子惠王之孫也。惠王三十六年卒。而襄王立。立十六年卒。而哀王立。古書紀年篇惠王三十六年改元。從一平始。至十六年而稱惠成王卒。即惠王也。疑史記誤分惠成之世以為後王年也。哀王二十三年乃卒。故特不稱謚。謂之今王。其著書文意大似春秋。經推此足見古者國史策書之常也。文稱曾隱公及邾莊公盟于姑蔑。即春秋所書邾儀父未王命。故不書爵。曰儀父。貴之也。又稱晉獻公會虞師伐虢。滅下陽。即春秋所書虞師晉師滅下陽。先書虞賄故也。又稱周襄王會諸侯於河陽。即春秋所書天王狩於河陽。以臣召君。不可以訓也。諸若此輩甚多。略舉數條。以明國史皆承告據實。而書時事。仲尼修春秋。以義而制異文也。又稱衛懿公及赤翟戰于洞澤。疑洞當為洞。即左傳所謂災澤也。齊閔在來。缺之

玉磬紀公之廟卽左傳所謂賓媚人也諸所記多與左傳符同異
於公羊穀梁知此二書近世穿鑿非春秋本意審矣雖不皆與史
記尚書同然叅而求之可以端正學者又別有一卷純集疏左氏
傳卜筮事上下次第及其文義皆與左傳同名曰師春師春似是
抄集者人名也紀年又稱殷仲壬卽位居亳其卿士伊尹仲壬崩
伊尹放太甲於桐乃自立也伊尹卽位于太甲七年太甲潛出自
桐殺伊尹乃立其子伊陟伊奮命復其父之田宅而中分之左氏
傳伊尹放太甲而相之卒無怨色然則太甲雖見放還殺伊尹而
猶以其子爲相也此爲大與尚書叙說太甲事乖異不知者與之
伏生或致昏忘將此古書亦當時雜記未足以取審也爲其粗有
益於左氏故略記之附集解之末焉

春秋左傳序

晉杜預元凱撰

春秋者魯史記之名也。記事者以事繫日，以日繫月，以月繫時，以時繫年，所以紀遠近，別同異也。故史之所記，必表年以首事，年有四時，故錯舉以為所記之名也。周禮有史官掌邦國四方之事，達四方之志，諸侯亦各有國史，大事書之於策，小事簡牘而已。孟子曰：楚謂之檮杌，晉謂之乘，而魯謂之春秋，其實一也。韓宣子適魯，見易象與魯春秋，曰：周禮盡在魯矣。吾乃今知周公之德與周之所以王，韓子所見，蓋周之舊典禮經也。周德既衰，官失其守，上之

入不能使春秋昭明赴告策書諸所記注多違舊章仲尼因魯史策書成文考其真偽而志其典禮上以遵周公之遺制下以明將來之法其敎之所存文之所害則刊而正之以示勸戒其餘則皆卽用舊史史有文質辭有詳略不必改也故傳曰其善志又曰非聖人孰能修之蓋周公之志仲尼從而明之左丘明受經於仲尼以爲經者不刊之書也故傳或先經以始事或後經以終義或依經以辯理或錯經以合異隨義而發其例之所重舊史遺文略不盡舉非聖人所修之要故也身爲國史躬覽載籍必廣記而備言之其文緩其旨遠將令學者原始要終尋其枝葉究其所窮優而柔之使自求之饜而飫之使自趨之若江海之浸膏澤之潤渙然冰釋怡然理順然後爲得也其發凡以言例皆經國之常制周公之垂法史書之舊章仲尼從而修之以成一經之通體其微顯闡幽裁成義類者皆據舊例而發義指行事以正褒貶諸稱書不書先書故書不言不稱書曰之類皆所以起新舊發大義謂之變例然亦有史所不書卽以爲義者此蓋春秋新意故傳不言凡曲而暢之也其經無義例因行事而言則傳直言其歸趣而已非例也故發傳之體有三而爲例之情有五一日微而顯文見於此而起義在彼稱族尊君命舍族尊夫人梁亡城緣陵之類是也二曰志

而晦約言示制推以知例參會不地與謀曰及之類是也三曰婉
而成章曲從義訓以示大順諸所諱辟璧假許田之類是也四曰
盡而不汙直書其事具文見意丹楹刻桷天王求車齊侯獻捷之
類是也五曰懲惡而勸善求名而亡欲蓋而章書齊豹盜三叛人
名之類是也推此五體以尋經傳觸類而長之附于二百四十二
年行事王道之正人倫之紀備矣或曰春秋以錯文見義若如所
論則經當有事同文異而無其義也先儒所傳皆不其然答曰春
秋雖以一字爲褒貶然皆須數句以成言非如八卦之爻可錯綜
爲六十四也固當依傳以爲斷古今言左氏春秋者多矣今其遺
文可見者十數家大體轉相祖述進不成爲錯綜經文以盡其變
退不守丘明之傳於丘明之傳有所不通皆沒而不說而更膚引
公羊穀梁適足自亂預今所以爲異專修丘明之傳以釋經經之
條貫必出於傳傳之義例總歸諸凡推變例以正褒貶簡二傳而
去異端蓋丘明之志也其有疑錯則備論而闕之以俟後賢然劉
子駿創通大義賈景伯父子許惠卿皆先儒之美者也未有賴子
嚴者雖淺近亦復名家故特舉劉賈許賴之違以見同異分經之
年與傳之年相附比其義類各隨而解之名曰經傳集解又別集
諸例及地名譜第歷數相與爲部凡四十部十五卷皆顯其異同

從而釋之名曰釋例。將令學者觀其所聚異同之說。釋例詳之也。或曰春秋之作。左傳及穀梁無明文。說者以爲仲尼自衛反魯。脩春秋立素王。丘明爲素臣。言公羊者亦云。黜周而王魯。危行言孫。以辟當時之害。故微其文。隱其義。公羊經止獲麟。而在其經終。孔丘卒。敢問所安。荅曰。異乎。余所聞。仲尼曰。文王既沒。文不在茲乎。此制作之本意也。歎曰。鳳鳥不至。河不出圖。吾已矣夫。蓋傷時王之政也。麟鳳五靈。王者之嘉瑞也。今麟出非其時。虛其應而失其歸。此聖人所以爲感也。絕筆於獲麟之一句者。所感而起。固所以爲終也。曰。然則春秋何始於魯。隱公荅曰。周平王。夷周之始王也。隱公讓國之賢君也。考乎其時。則相接言乎其位。則列國本乎其始。則周公之祚胤也。若平王能祈天永命。紹開中興。隱公能弘宣祖業。光啓王室。則西周之美。可尋。文武之迹。不隊。是故因其歷數。附其行事。采周之舊。以會成王義。垂法將來。所書之王。卽平王也。所用之歷。卽周正也。所稱之公。卽魯隱也。安在其黜周而王魯乎。子曰。如有用我者。吾其爲東周乎。此其義也。若夫制作之文。所以章往考來。情見乎辭。言高則旨遠。辭約則義微。此理之常。非隱之也。聖人包周身之防。旣作之後。方復隱諱。以辟患。非所聞也。子路欲使門人爲臣。孔子以爲欺天。而云仲尼素王。丘明素臣。又非通

論也先儒以為制作三年文成致麟既已妖妄又引經以至仲尼
卒亦又近誣據公羊經止獲麟而左氏小邾射不在三叛之數故
余以為感麟而作作起獲麟則文止於所起為得其實至于反袂
拭面稱吾道窮亦無取焉

春秋左傳目錄

卷一

隱公

盡十一年

卷二

桓公

盡十八年

卷三

莊公

盡三十二年

卷四

閔公

盡二年

卷五

僖公

盡十五年

卷六

僖公

盡二十六年

卷七

僖公

盡三十三年

卷八

文公

盡十年

卷九

文公

盡十八年

卷十

宣公

盡十一年

卷十一

宣公

盡十八年

卷十二

成公

盡十年

卷十三

成公

盡十八年

卷十四

襄公

盡九年

卷十五

襄公

盡十五年

卷十六

襄公

盡二十二年

卷十七

襄公

盡二十五年

卷十八

襄公

盡二十八年

卷十九

襄公

盡三十一年

卷二十

昭公

盡三年

卷二十一

昭公

盡七年

卷二十二

昭公

盡十二年

卷二十三

昭公

盡十七年

卷二十四

昭公

盡二十二年

卷二十五

昭公

盡二十六年

卷二十六

昭公

盡三十二年

卷二十七

定公

盡七年

卷二十八

定公

盡十五年

卷二十九

哀公

盡十三年

卷三十

哀公

盡二十七年

春秋左傳卷一

晉鎮南大將軍當陽縣侯京兆杜 預集解

皇明 後 學 東吳金 蟠較訂

隱公 名息姑，惠公之子，母聲。子諡法，不戶其位曰隱。

傳惠公元妃孟子 言元妃明始適夫人也。孟子卒，不稱薨，不成喪也。無論先

夫死不得從夫諡。繼室以聲子。生隱公。始娶則同姓之國，以姪姊媵，元

妃死，則次妃攝治內事，猶不得稱夫人。故謂之繼室。○姊大計反，媵以證反，又繩證反。宋武公生仲子。仲

子生而有文在其手，曰為魯夫人。故仲子歸于我。婦人謂嫁曰

然成字有若天命，故嫁之於魯。生桓公而惠公薨。言歸魯而生男，惠公是以隱

春秋左傳卷一 隱公 一 可懷堂

公立而奉之隱公繼室之子當嗣世以禎祥之故追成父志為桓尚少是以立為天子帥國人奉之為經元年春

不書即位傳○為桓于偽反大舊太字皆作大後大字皆放此

經元年春王正月

隱公之始年周王之正月也凡人君即位欲其體元以居正故不言一年一月也隱雖不即位然攝行君事故亦朝廟告朔也告朔朝正例在襄二十九年即位例在隱莊閔僖元年○朝直遙反下同

三月公及邾儀父盟于蔑

附庸之君未王命例稱名能自通于大國繼好息民故書字貴之名例在莊五年邾今魯國鄒縣也蔑姑蔑魯地魯國卞縣南有姑城○父音甫凡人各氏皆倣此蔑亡結反

夏五月鄭伯克段于鄆

不稱國討而言鄭伯譏失教也段不弟故不言弟明鄭伯雖失教而段亦凶逆以君討臣而用二君之例者言段強大僞傑據大都以耦國所謂得僞曰克也國討例在莊二十二年得僞例在莊十一年母弟例在宣十七年鄭在滎陽宛陵縣西南鄆今潁川鄆陵縣○鄆於晚反又於建反又於然反

秋七月天王使宰咺來歸惠公仲子之賵

宰官咺名也咺贈死不及尸乎生不及哀豫凶事故賤而名之此天子大夫稱字之例仲子者桓公之母婦人無諡故以字配姓來者自外之文歸者不反之辭○咺吁阮反賵芳鳳反

九月及宋人盟于宿

客主無名皆微者也宿小國東平無鹽縣也凡盟以國地者國主亦與盟例在僖十九年宋今梁國睢陽縣○與音預下同睢雖音

春秋左傳卷一 隱公 一 可懷堂

冬十有二月祭伯來

祭伯諸侯為王卿士者祭國伯爵也傳曰非王命也釋其不稱使○祭側界反傳祭仲同

公子益師卒

傳例曰公不與小斂故不書日所以示薄厚也春秋不以日月為例唯卿佐之喪獨託日以見義者事之得失既未足以褒貶人若然亦非死者之罪無辭可以寄文而人臣輕賤死日可略故特假日以見義○見賢遍反下同

傳元年春王周正月言周以別夏殷不書即位攝也假攝君政之禮故史不書於策傳所以見異於常

三月公及邾儀父盟于蔑邾子克也克儀父名未王命故不書爵曰儀父王未賜命以為諸侯其後儀父服事齊桓以獎王室王命以為邾子故莊十六年經書邾子克祭

公攝位而欲求好於邾故為蔑之盟解所以與盟也○好呼報反

夏四月費伯帥師城郎不書非公命也費伯魯大夫郎魯邑高平方與縣東南有郁郎亭傳曰君舉必書然則史之策書皆君命也今不書於經亦因史之舊法故傳釋之諸魯事傳釋不書他皆放此

初鄭武公娶于申曰武姜申國今南陽宛縣○宛於元反生莊公及共叔段段出奔共故曰共叔猶晉侯在鄂謂之鄂侯○共音恭地名莊公寤生驚姜氏故名曰寤生遂

惡之寐寤而莊公已生故驚愛共叔段欲立之欲立以為大子亟請於

武公弗許及莊公即位為之請制公曰制巖邑也虢叔死焉

他邑唯命虢叔東虢君也恃制巖險而不修德鄭滅之恐段復然故開以他邑虢國今榮陽縣○亟欺冀反為于偽反請京使居之謂之京城大叔公順姜請使段居京謂之京城大叔言寵異於眾臣京鄭邑今



榮陽京縣○大祭仲曰都城過百雉國之害也祭仲鄭大夫方丈曰堵三堵曰雉一雉之牆長三丈高一丈侯伯之城方五里徑三百雉故其大都不得過百雉先王之制大都不過

參國之一三分國城之一中五之一小九之一今南不度非制也不合法度

非先王制君將不堪公曰姜氏欲之焉辟害對曰姜氏何厭之有不

如早為之所使得其所宜○焉無使滋蔓蔓難圖也蔓草猶不

可除況君之寵弟乎公曰多行不義必自斃子姑待之斃路也姑且也

○路蒲既而大叔命西鄙北鄙貳於已鄙鄭邊邑貳兩屬公子呂曰國

不堪貳君將若之何公子呂鄭大夫欲與大叔臣請事之若弗與則請

除之無生民心叔久不除則舉國之民當生他心公曰無庸將自及若無用除之禍將自及

及大叔又收貳以為已邑前兩屬者今皆取以為已邑至于廩延言轉侵多也廩延鄭

邑陳留酸棗縣北有延津子封曰可矣厚將得衆子封公子呂也厚謂土地廣大公曰不義

不曜厚將崩不義於君不親於兄大叔完聚完城郭聚人民繕甲兵具

卒乘步曰卒車曰乘將襲鄭夫人將啓之啓開公聞其期曰可矣命子

封帥車二百乘以伐京古者兵車一乘甲士三人步卒七十二人京叛大叔段段入

于鄆公伐諸鄆五月辛丑大叔出奔共共國今汲郡共縣書曰鄭伯克

段于鄆段不弟故不言弟如二君故曰克稱鄭伯譏失教也謂

之鄭志不言出奔難之也傳言夫子作春秋改舊史以明義不實出奔而以克為文明鄭伯志在於殺難言其奔○難乃且反遂寘姜氏于城穎城穎鄭地而誓之

遂寘姜氏于城穎而誓之

遂寘姜氏于城穎而誓之

遂寘姜氏于城穎而誓之

遂寘姜氏于城穎而誓之

遂寘姜氏于城穎而誓之

遂寘姜氏于城穎而誓之

遂寘姜氏于城穎而誓之

遂寘姜氏于城穎而誓之

遂寘姜氏于城穎而誓之

曰不及黃泉無相見也。地中之泉故曰黃泉既而悔之。賴考叔為賴谷封

人。封人典封疆者聞之。有獻於公。公賜之食。食舍肉。公問之。對曰。小人

有母皆嘗小人之食矣。未嘗君之羹。請以遺之。食而不啜羹欲以發明也。宋華

元殺羊為羹饗士。蓋古賜賤官之常。公曰。爾有母遺。繫我獨無。

繫。語助。繫鳥。今反又鳥帝反。賴考叔曰。敢問何謂也。據武姜在。設疑也。公語之故。且

告之。悔對曰。君何患焉。若闕地及泉。隧而相見。其誰曰不然。今延道。語魚據反。闕其月反。隧音遂。公從之。公入而賦。大隧之中。其樂也。融融

也。賦詩也。融融和樂也。樂音洛下同。姜出而賦。大隧之外。其樂也。洩洩。洩洩舒散也。

洩羊世反。遂為母子如初。君子曰。賴考叔。純孝也。純猶篤也。愛其母。施及

莊公。詩曰。之子不匱。永錫爾類。其是之謂乎。不匱。純孝也。雖失之於初。孝心

不忘。考叔感而通之。所謂永錫爾類。詩人之作。各以情言。君子論之。不以文害意。故春秋傳引詩。皆不與今說詩者同。他皆放

此。施以鼓反。又式智反。

秋七月。天王使宰咺來歸惠公仲子之賵。緩。且子氏未薨。故名。

惠公葬在春秋前。故曰緩也。子氏。仲子也。薨在二年。賵。助喪之物。天子七月而葬。同軌畢至。言

軌。以別四夷之國。別彼列反。諸侯五月同盟至。同在方嶽之盟。大夫三月同位至。古

行役不踰時。士踰月。外姻至。踰月。度月也。姻。猶親也。此言赴弔。各以遠近為差。因為葬節。贈死不

及尸。尸。未葬之通稱。弔生不及哀。諸侯已上。既葬。則練麻除。無哭位。諒闇終喪。豫凶事。非禮

也。仲子在而來贈。故曰豫凶事。

八月紀人伐夷夷不告故不書

夷國在城陽莊武縣紀國在東莞劇縣隱十一年傳例曰凡諸

侯有命告則書不然則否史不書於策故夫子亦不書於經傳見其事以明春秋例也他皆放此

有蜚不為災亦不書

蜚負蟻也莊二十九年傳例曰凡物不為災不書又於此發之者明傳之所據非唯

史策兼采簡牘之記他皆放此

惠公之季年敗宋師于黃黃宋邑陳留外黃縣東有黃城公立而求成焉九月

及宋人盟于宿始通也

經無義例故傳直言其歸趣而已他皆放此

冬十月庚申改葬惠公公弗臨故不書

以桓為太子故隱公讓而不為改葬也

政故據隱而言惠公之薨也有宋師大子少葬故有闕是為改葬○少

衛侯來會葬不見公亦不書諸侯會葬非禮也不得於公成禮故不書於策他皆放此

郡朝歌縣○朝如字

鄭其叔之亂公孫滑出奔衛公孫滑共叔段之子衛人為之伐鄭取郟

鄭人以王師執師伐衛南鄙號西號國也弘農陝縣東南有號城○為于偽反陝失再反請

師於邾邾子使私於公子豫公子豫魯大夫私請師○豫音預豫請往公弗許

遂行及邾人鄭人盟於翼翼邾地不書非公命也新作南門不書

亦非公命也非公命不書三見者皆與作大事各舉以備文

十二月祭伯來非王命也眾父卒眾父公子益師字○眾音終公不與小斂

故不書日禮卿佐之喪小斂大斂君皆親臨之崇恩厚也始死情之所篤禮之所崇故以小斂為文至於但臨大斂

及不臨其喪亦同不書日○與音預

經二年春公會戎于潛。

戎狄夷蠻皆氏羌之別種也。戎而書會者，順其俗以為禮。皆謂居中國，若戎子駒支者，陳留濟陽縣東南有戎城，潛魯地。○氏都今反，羌郤良反，種章勇反。濟子禮反，水名，凡地名皆同。

夏五月莒人入向。

向，小國也。譙國龍亢縣東南有向城，莒國今城陽莒縣也。將卑師少稱人，弗地曰入，例在襄十三年。

無駭帥師入極。

無駭，魯卿，極，附庸小國，無駭不書氏，未賜族，賜族例在八年。

秋八月庚辰，公及戎盟于唐。

高平方與縣北有武唐亭，八月無庚辰，庚辰七月九日也，日月必有誤。○方音房，與音頤。

九月，紀裂繻來逆女。

裂繻，紀大夫，傳曰：卿為君逆也，以別卿自逆也。逆女，或稱使，或不稱使，昏禮不稱主人，史各隨其實而書，非例也。○繻音須。

冬十月，伯姬歸于紀。

無傳，伯姬，魯女，裂繻所逆者。

紀子帛莒子盟于密。

子帛，裂繻字也。莒魯有怨，紀侯既昏于魯，使大夫盟莒以和解之。子帛為魯結好，息民，故傳曰：魯故也。比之內大夫而在莒子，上稱字以嘉之也。字例在閔元年，密，莒邑。城陽淳于縣東北有密鄉，○好呼報反。

十有二月乙卯，夫人子氏薨。

春秋左傳卷一
無傳桓未為君仲子不應稱夫人隱讓桓以為天子成其母喪以赴諸侯故經於此稱夫人也不反哭故不書葬例在三年
鄭人伐衛
凡師有鐘鼓曰伐
例在莊二十九年

傳二年春公會戎于潛修惠公之好也戎請盟公辭而不許其盟禦夷狄者不壹而足○好呼報反下同

莒子娶于向向妻不安莒而歸夏莒人入向以姜氏還傳言失

義凡得失小故經無異文而傳備其事案文則是非足以為戒他皆放此○還音旋後皆同

司空無駭入極費牟父勝之魯司徒司馬司空皆卿也牟父費伯也前年城郎今因得以勝極救

傳於前年發之○卒音琴

戎請盟秋盟于唐復脩戎好也

九月紀裂繻來逆女卿為君逆也○為於偽反

冬紀子帛莒子盟于密魯故也鄭人伐衛討公孫滑之亂也治元

年取廩延之亂

經三年春王二月己巳日有食之

無傳日行遲一歲一周天月行疾一月一周天一歲凡十二交會然日月動物雖行度有大量不能不小有盈縮故有雖交會而不食者或有頻交而食者唯正陽之月君子忌之故有伐鼓用幣之事今釋例以長歷推經傳明此食是二月朔也不書朔史失之書朔日例在桓十七年○量音亮

三月庚戌天王崩

卷一 憲公

八

水環堂

周平王也。實以壬戌崩。欲諸侯之速至。故遠日以赴。春秋不書實崩日。而書遠日者。即傳其偽以懲創臣子之過也。襄二十九年。傳曰。鄭上卿有事。使印段如周會葬。今不書葬。魯不會。

夏四月辛卯。君氏卒。

隱不敢從正君之禮。故亦不敢備禮於其母。

秋。武氏子來求賻。

武氏子。天子大夫之嗣也。平王喪在殯。新王未得行其爵命。聽於冢宰。故傳曰。王未葬。釋其所以稱父族。又不稱使也。魯不共奉王喪。致令有求。經直文以示不敬。故傳不復具釋也。○賻音附。共音恭。

八月庚辰。宋公和卒。

稱卒者。略外以別內也。元年大夫盟於宿。故赴以名。例在七年。○別音鼈。

冬十有二月。齊侯鄭伯盟于石門。

來告。故書石門。齊地。或曰濟北盧縣故城。西南濟水之門。

癸未。葬宋穆公。

無傳。魯使大夫會葬。故書始死書卒。史在國承赴。為君故。惡其薨名。改赴書也。書葬則舉謚。稱公者。會葬者在外。據彼國之辭也。書葬例在昭六年。○為于偽。反惡烏路反。

傳三年春。王三月壬戌。平王崩。赴以庚戌。故書之。

夏。君氏卒。聲子也。不赴于諸侯。不反哭于寢。不祔于姑。故不曰薨。不稱夫人。故不言葬。

夫人喪禮有三。薨則赴於同盟之國。一也。既葬。日中自慕。反虞於正寢。所謂反哭于寢。二也。卒哭而祔於祖姑。三也。若此。則書曰。夫人某氏薨。葬我小君某氏。此備禮之文也。其或不赴不祔。則為不成喪。

夫之靈得保首領以沒先君若問與夷其將何辭以對請子奉

之以主社稷寡人雖死亦無悔焉對曰群臣願奉馮也馮穆公

也○馮皮公曰不可先君以寡人為賢使主社稷若弃德不讓

是廢先君之舉也豈曰能賢言不讓則光昭先君之令德可不

務乎吾子其無廢先君之功先君以舉賢為功使公子馮出居

於鄭辟傷八月庚辰宋穆公卒殤公即位君子曰宋宣公可謂

知人矣立穆公其子饗之命以義夫命出於義也夫商頌曰殷

受命咸宜百祿是荷其是之謂乎詩頌言殷湯武受命皆以

而行則殤公宜受此命宜荷此祿公子馮不帥父義忿而出奔

因鄭以求入終傷咸宜之福故知人之稱唯在宣公也殷禮有

兄弟相及不必傳子孫冬齊鄭盟于石門尋盧之盟也盧盟在春秋前盧齊庚戌鄭伯

之車僨于濟既盟而遇大風傳記異也十二

衛莊公娶于齊東宮得臣之妹曰莊姜得臣齊大夫也大夫不

美而無子衛人所為賦碩人也碩人詩義取莊姜美于色賢于

德而不見答終以無子國人憂又娶于陳曰厲嬀生孝伯早歿陳今陳國陳縣其娣戴嬀生

桓公莊姜以為己子嬀陳姓也厲戴皆謚雖為公子州吁嬀人

之子也嬀親有寵而好兵公弗禁莊姜惡之石碻諫曰臣聞愛

子教之以義方石碻備大夫弗納於邪驕奢淫泆所自邪也因

者之來寵祿過也將立州吁乃定之矣若猶未也階之為禍

立為天子則宜早定若不早定州吁必緣寵而為禍○洪音逸夫寵而不驕驕而能降降而不

憾憾而能矜者鮮矣如此者少也降其身則必恨恨則思亂反且

夫賤妨貴少陵長遠間親新聞舊小加大小國而加兵於大國如息侯伐鄭之比○

少詩照反長丁丈反間間厠之間下同比必二反淫破義所謂六逆也君義臣行父慈

子孝兄愛弟敬所謂六順也臣行君之義去順效逆所以速禍也君

人者將禍是務去而速之無乃不可乎弗聽其子厚與州吁游

禁之不可桓公立乃老老致仕也四年經書州吁弑其君故傳先經以始事○去起呂反先悉薦反

經四年春王二月莒人伐杞取牟婁

無傳書取言易也例在襄十三年杞國本都陳留雍丘縣推尋事跡桓六年淳于公亡國杞似并之遷都淳于僖十四年又遷緣陵襄二十九年晉人城杞之淳于杞又遷都淳于牟婁杞邑城陽諸縣東北有婁鄉○易以豉反雍於用反

戊申衛州吁弑其君完

稱臣弑君臣之罪也例在宣四年戊申三月十七日有日而無月

夏公及宋公遇于清

遇者草次之期二國各簡其禮若道路相逢遇也清衛邑濟北東阿縣有清亭

宋公陳侯蔡人衛人伐鄭秋翬帥師會宋公陳侯蔡人衛人伐鄭

公子翬魯大夫不稱公子疾其罔請強君以不義也諸外大夫貶皆稱人至於內大夫貶則皆去族稱名於記事之體他國可言某人而已國之卿佐不得言魯人此所以為異也翬溺去疾傳曰疾之叔孫豹則曰言違命此其例也○翬許歸反強其父

反去起呂
反下同

九月衛人殺州吁于濮。

州吁弑君而立未列於會故不稱君例
在成十六年濮陳地水名○濮音卜

冬十有二月衛人立番。

衛人逆公子晉而立之善其得衆故不
書入於衛變文以示義例在成十八年

四年春衛州吁弑桓公而立公與宋公爲會將尋宿之盟未

及期衛人來告亂夏公及宋公遇于清宿盟在元年

宋殤公之卽位也公子馮出奔鄭鄭人欲納之及衛州吁立將

脩先君之怨於鄭謂二年鄭人而求寵於諸侯以和其民諸篡

諸侯既與之會則不復討故欲求此寵使告於宋曰君若伐鄭以除君害害謂宋公子馮

君爲主敝邑以賦與陳蔡從則衛國之願也言舉國之賦調○從才用反調徒弔

反宋人許之於是陳蔡方睦於衛蔡今汝南上蔡縣故宋公陳侯蔡人

衛人伐鄭圍其東門五日而還公問於衆仲曰衛州吁其成乎

衆仲魯大夫對曰臣聞以德和民不聞以亂亂謂阻兵而安忍以亂猶治絲

而棼之也絲見棼緼益所以亂夫州吁阻兵而安忍阻兵無衆安忍無親

衆叛親離難以濟矣恃兵則民殘民殘則衆叛安忍則刑過刑過則親離夫兵猶火也弗

戢將自焚也夫州吁弑其君而虐用其民於是乎不務令德而

欲以亂成必不免矣

秋諸侯復伐鄭。宋公使來乞師。乞師不書非卿公辭之。從衆仲之言羽父請

以師會之。羽父公公弗許。固請而行。故書曰翬帥師疾之也。諸

侯之師敗鄭徒兵。取其禾而還。時鄭不車戰

州吁未能和其民。厚問定君於石子。石子石碯也。以州吁不安。諮其父。石子曰

王覲為可。曰何以得覲。曰陳桓公方有寵於王。陳衛方睦。若朝

陳使請必可得也。厚從。州吁如陳。石碯使告于陳曰。衛國褊小

老夫耄矣。無能為也。此二人者。實弑寡君。敢即圖之。八十曰耄。稱國小已

老。自謙以委陳使。陳人執之。而請蒞于衛。請衛人自臨討之。九月衛人

使右宰醜。蒞殺州吁于濮。石碯使其宰孺。羊肩蒞殺石厚于東

君子曰。石碯純臣也。惡州吁而厚與焉。大義滅親。其是之謂乎。

子從弑君之賊。國之大逆。不可不除。故曰大義滅親。明小義則當兼子愛之。孺奴侯反。惡烏路反。與焉音預。

衛人逆公子番于邢。冬十二月。宣公即位。公子晉也。邢音刑。書曰衛人

立晉。衆也。

經五年春。公矢魚于棠。

書陳魚以示非禮也。書棠。譏遠地也。今高平方與縣北有武唐亭。魯侯觀魚臺。

夏四月。葬衛桓公。

秋。衛師入郕。

將卑師衆。但稱師。此史之常也。郕音成。

九月考仲子之宮初獻六羽

成仲子宮安其主而祭之惠公以仲子手文娶之欲以為夫人諸侯無二嫡蓋隱公成父之志為別立官也公問羽數故書羽婦人無諡因姓以名宮

邾人鄭人伐宋

邾王兵故序鄭上

螟

無傳蟲食苗心者為災故書

冬十有二月辛巳公子彊卒

大夫書卒不書葬葬者臣子之事非公家所及彊苦侯反

宋人伐鄭圍長葛

潁川長社縣北有長葛城

傳五年春公將如棠觀魚者臧僖伯諫曰凡物不足以講大事

臧僖伯公子彊也僖諡也大事祀與戎其材不足以備器用則君不舉焉材謂皮革齒牙

骨角毛羽也器用軍國之器君將納民於軌物者也故講事以度軌量謂之

軌取材以章物宋謂之物不軌不物謂之亂政亂政亟行所以

敗也言器用衆物不入法度則為不軌不物亂敗之所起○度待洛反一音如字亟欺冀反故春蒐夏苗

秋獮冬狩蒐索擇取不孕者苗為首除害也獮殺也以殺為名獮息淺反皆於農隙以講事也各隨時三年而治兵入而振

獮息淺反皆於農隙以講事也各隨時三年而治兵入而振

旅雖四時講武猶復二年而大習出曰治兵始治其歸而飲至事入曰振旅治兵禮畢整衆而還振整也旅衆也

以數軍實飲於廟以數車徒器械及所獲也昭文車車服明貴賤辯等列等列行伍

順少長出則少者在前還則在後所謂順也習威儀也鳥獸之肉不登於俎宗廟

器皮革齒牙骨角毛羽不登於器謂以飾法度之器則公不射古之制

也若夫山林川澤之實器用之資阜隸之事官司之守非君所

及也士臣阜阜臣與與臣隸言取此雜猥之物以資器備是小臣有司之職非諸侯之所親也射食亦反阜才早反

公曰吾將略地焉孫辭以略地略總攝巡行之名傳曰遂往陳

魚而觀之陳設張也公大設捕魚之備而觀之僖伯稱疾不從書曰公矢魚于棠

非禮也且言遠地也矢亦陳也棠實他竟故日遠地○從才用反

曲沃莊伯以鄭人邢人伐翼曲沃晉別封成師之邑在河東開國在廣平襄國縣王使尹氏武氏助之翼侯奔隨周世族大夫

也晉內相攻伐不告亂故不書傳具其事為後晉事張本曲沃及翼本末見桓二年隨晉地

夏葬衛桓公衛亂是以緩有州吁之亂十四月乃葬傳明其非慢也

四月鄭人侵衛牧牧衛邑經書夏四月葬衛桓公今傳直言夏而更以四月附鄭人侵衛牧者於下事宜得

月以明事之先後故不復備舉經文三年君氏卒其義亦同他皆放此以報東門之役東門後在四年衛

人以燕師伐鄭南燕國今東郡燕縣鄭祭足原繁洩駕以三軍軍其前使

彘伯與子元潛軍軍其後燕人畏鄭三軍而不虞制人北制鄭

南成臯縣也一名虎牢六月鄭二公子以制人敗燕師于北制二公子曼伯子元也

君子曰。不備不虞。不可以師。

曲沃叛王。秋。王命虢公伐曲沃而立哀侯于翼。春翼侯奔隨。故立其子光。

衛之亂也。邾人侵衛。故衛師入邾。邾國也。東平剛父。縣西南有邾鄉。

九月。考仲子之宮。將萬焉。萬舞也。公問羽數於衆仲。衆仲對曰。

天子用八。八八六六。六六三三。大夫四。四四十六。士二。二二

士有功。夫舞所以節八音而行八風也。八音。金石絲竹匏土革木。賜用樂。音之器。播八方之風。手之舞之。足之蹈之。節其制而序其情。故自八以下。唯天子得盡物數。則不敢用八。公從之。於是初獻六羽。始用六佾也。魯唯文王周公廟。因仍僭而用之。今隱公特立此婦人之廟。詳問衆仲。衆仲因明大典。故傳亦因言始用六佾。其後季氏舞八佾於庭。知唯在仲

子廟用六

宋人取邾田。邾人告於鄭曰。請君釋憾於宋。敝邑爲道。釋四年再見伐

之恨。鄭人以王師會之。王師不書。道音導。鄭郭也。東門役在。不以告也。伐宋。入其郭。以報東門之

役。郭郭也。東門役在。四年。郭芳夫反。宋人使來告命。告命策書。公聞其入郭也。將救

之。問於使者曰。師何及。對曰。未及國。忿公知而故問。責窮辭。使所吏反。公怒。乃

止。辭使者曰。君命寡人。同恤社稷之難。今問諸使者。曰師未及

國。非寡人之所敢知也。爲七年公伐邾。傳。難乃旦反。

冬。十二月。辛巳。臧僖伯卒。公曰。叔父有憾於寡人。諸侯稱同姓。大夫長曰伯。

父少曰叔。父有恨。恨諫觀魚不聽。寡人弗敢忘。葬之加一等。加命服之等。

宋人伐鄭圍長葛以報入郟之役也。

經六年春鄭人來渝平。

和而不盟曰平。○渝羊朱反。

夏五月辛酉公會齊侯盟于艾。

泰山牟縣東南有艾山。

秋七月。

雖無事而書首月具四時以成歲也他皆放此。

冬宋人取長葛。

秋取冬乃告也。上有伐鄭圍長葛長葛鄭邑可知故不言鄭也。前年冬圍不克而還今冬乘長葛無備而取之言易也。○易以

反鼓

傳六年春鄭人來渝平更成也。

渝變也公之為公子戰於狐壤欲救宋宋使者失辭公怒而止忿宋則欲厚鄭鄭因此而來故經書渝平傳曰更成。

翼九宗五正頃父之子嘉父逆晉侯于隨。


翼晉舊都也唐叔始封受懷姓九宗職官五正遂世為晉強家五正五官之長九宗一姓為九族也頃父之子嘉父晉大夫。

納諸鄂晉人謂之鄂。鄂晉別邑諸地名疑者皆言有以示不密闕者不復記其闕他皆放此。前年桓王立此侯之子於翼故不得復入翼別居鄂。

夏盟于艾始平于齊也。

春秋前魯與齊不平今乃棄惡結好故言始平于齊。

五月庚申鄭伯侵陳大獲往歲鄭伯請成于陳陳侯不許。



五父諫曰親仁善鄰國之寶也君其許鄭五父陳侯曰宋衛

實難可畏難也鄭何能為遂不許君子曰善不可失惡不可

長其陳桓公之謂乎長惡不悛從自及也悛止也從隨也雖欲

救之其將能乎商書曰惡之易也如火之燎于原不可鄉商

為國家者見惡如農夫之務去草焉芟夷蕪崇之絕其本根勿

使能殖則善者信矣芟刈也夷殺也蕪積也崇聚也○芟

秋宋人取長葛所銜反蘊紆粉反信如字一音申

冬京師來告飢公為之請糴於宋衛鄭禮也告飢不以王命

不書於經也雖非王命而公共以稱魯已國不足

鄭伯如周始朝桓王也桓王即位周鄭交惡王不禮焉周桓公

言於王曰我周之東遷晉鄭焉依周桓公周公黑肩也周采地

武公左右王室故曰晉鄭焉依善鄭以勸來者猶懼不武

也○說其器反況不禮焉鄭不來矣為桓五年諸侯

經七年春王三月叔姬歸于紀從王伐鄭傳

無傳叔姬伯姬之姊也至是歸者待年於父母國不與嫡俱行故書

滕侯卒傳例曰不書名未同盟也

滕國在沛國公丘縣東南



夏城中丘

城例在莊二十九年，中丘在琅邪臨沂縣東北。

齊侯使其弟年來聘

諸聘皆使卿執玉帛以相存問，例在襄九年。

秋公伐邾

冬天王使凡伯來聘，戎伐凡伯于楚丘以歸。

凡伯，周卿士，凡國伯爵也。汲郡共縣東南有凡城，戎鳴鐘鼓以伐天子之使，見章狄強，不書凡伯敗者，單使無眾，非戰陳也。但言以歸，非執也。楚丘，衛地，在濟陰成武縣西南。○魏蒲報反。

傳七年春，滕侯卒，不書名，未同盟也。楚諸侯同盟，於是稱名，故

薨則赴以名。

盟以名告神，故薨亦以名告同盟。

告終稱嗣也。

以繼好息民。

告亡者之

終稱嗣位之主，嗣位之主當奉而不謂之禮經。此言凡例，乃周忘故曰繼好，好同則和親，故曰息民。謂之禮經，公所制禮經也。十一年不告之例，又曰不書於策，明禮經皆當書於策，仲尼修春秋皆承策為經，丘明之傳博采眾記，故始開凡例，特顯此二句，他皆放此。

夏城中丘，書不時也。齊侯使夷仲年來聘，結艾之盟也。

艾盟在六年。

秋宋及鄭平。七月庚申，盟于宿，公伐邾，為宋討也。

公距宋而更與鄭平，欲以

鄭為援，今鄭復與宋盟，故懼而伐邾，欲以求宋，故曰為宋討。○為宋于偽反。

初，戎朝于周，發幣于公卿，凡伯弗賓。

朝而發幣於公卿，如冬王

使凡伯來聘，還戎伐之于楚丘，以歸。

傳言凡伯所以見伐。

陳及鄭平六年鄭侵陳大獲今乃平十二月陳五父如鄭涖盟涖臨也壬申及

鄭伯盟如忘志不在於歃血○歃色洽反忘亡亮反洩伯曰五父必不免不賴

盟矣洩伯鄭洩駕鄭良佐如陳涖盟良佐鄭大夫辛巳及陳侯盟亦知陳

之將亂也入其國觀其政治故總言之也皆為桓五年六年陳亂蔡人殺陳佗傳

鄭公子忽在王所故陳侯請妻之以忽有王寵故鄭伯許之乃

成昏為鄭忽失齊昏援以至出奔傳

經八年春宋公衛侯遇于垂

垂衛地濟陰句陽縣東北有垂亭○句古侯反

三月鄭伯使宛來歸祊庚寅我入祊

宛鄭大夫不書氏未賜族祊鄭祀秦之邑在琅邪費縣東南桓元年乃卒易祊田知此入祊未肯受而有之

夏六月己亥蔡侯考父卒

無傳襄六年傳曰杞桓公卒始赴以名同盟故也諸侯同盟稱名者非唯見在位二君也嘗與其父同盟則亦以名赴其子亦

所以繼好也蔡未與隱盟蓋春秋前與惠公盟故赴以名○見賢遍反

辛亥宿男卒

無傳元年宋魯大夫盟于宿宿與盟也晉荀偃禱河稱齊晉君名然後自稱名知雖大夫出盟亦當先稱已君之名以啓神明

故薨皆從身盟之例當告以名也傳例曰赴以名則亦書之不然則否辟不敏也今宿赴不以名故亦不書名諸例或發於始

事或發於後者因宜有所異同亦或丘明所得記注本末不能皆備故

秋七月庚午宋公齊侯衛侯盟于瓦屋

春秋左傳

卷一 隱公

二十

承懷堂

齊侯尊宋使主會故宋公序齊上瓦屋周地

八月葬蔡宣公

無傳三月而葬速

九月辛卯公及莒人盟于浮來

莒人微者不嫌敵公侯故直稱公例在僖二十九年浮來紀邑東莞縣北有邳鄉邳鄉西有公來山號曰邳來間○邳蒲悲反

螟

無傳為災

冬十有二月無駭卒

公不與小歛故不書日卒而後賜族故不書氏

傳八年春齊侯將平宋衛平宋衛於鄭有會期宋公以幣請於衛請

先相見宋敬齊命衛侯許之故遇于大丘大丘垂也地有兩名

鄭伯請釋秦山之祀而祀周公以秦山之祊易許田三月鄭伯

使宛來歸祊不祀秦山也成王營王城有遷都之志故賜周公許田以為魯國朝宿之邑後世因而

立周公別廟焉鄭桓公周宣王之母弟封鄭有助祭泰山湯沐之邑在祊鄭以天子不能復巡狩故欲以祊易許田各從本國所近之安恐魯以周公別廟為疑故云已廢秦山之祀而欲為魯祀周公孫辭以有求也許田近許之田

夏虢公忌父始作卿士于周周人於此遂畀之政

四月甲辰鄭公子忽如陳逆婦媯辛亥以媯氏歸甲寅八于鄭

陳鍼子送女先配而後祖鍼子曰是不為夫婦誣其祖矣非禮

也何以能育。

子圖稱告莊共之廟鄭忽先告祖廟而後行故楚公先配而後祀。○鍼其廉反。

齊人卒平宋衛于鄭。秋會于濶。盟于瓦屋。以釋東門之役。禮也。

會濶不書不以告也。定國息民故曰禮也。平宋衛二國忿鄭之謀鄭不與盟故不書。

八月丙戌鄭伯以齊人朝王。禮也。

言鄭伯不以號公得政而背王故禮之。齊稱人略從國辭。

上有七月庚午下有九月辛卯則八月不得有丙戌。

公及莒人盟于浮來。以成紀好也。

二年紀莒盟于密為魯故今公尋之故曰以成紀好。

冬齊侯使來告成三國。公使眾仲對曰君釋三國

之圖以鳩其民君之惠也。寡君聞命矣敢不承受君之明德。

鳩集也。

無駭卒。羽父請謚與族。公問族於眾仲。眾仲對曰天子建德。

德以為諸侯。因生以賜姓。因其所由生以賜姓。謂若胙之土而命之

氏。報之以土而諸侯以字。其臣因氏其王父字。故為謚。因以為

族。或便即先人之謚。稱以為族。官有世功則有官族。邑亦如之。謂取其舊官

為族。皆稟公命以字為展氏。諸侯之子稱公子。公子之子稱公

之時君。公子展之孫。故為展氏。

經九年春。天王使南季來聘。

無傳。南季。天子大夫也。南氏。季字也。

三月癸酉大雨震電庚辰大雨雪。

三月今正月

挾卒。

無傳挾魯大夫未賜族

夏城郎。

秋七月。

冬公會齊侯于防。

防魯地在琅邪華縣東南

傳九年春王三月癸酉大雨霖以震書始也。書癸酉始雨日庚辰大雨

雪亦如之書時失也。夏之正月微陽始出未可震電既震電又不當大雨雪故皆為時失凡雨自

三日以往為霖。此解經書霖也而經無霖字經誤平地尺為大雪。

夏城郎書不時也。

宋公不王。不共王職鄭伯為王左卿士以王命討之伐宋宋以八郛

之役怨公不告命。入郛在五年公以七年伐郛欲以說宋而宋猶不和也公怒絕宋使。

秋鄭人以王命來告伐宋。遣使致王命也伐宋未得志故復更告之

冬公會齊侯于防謀伐宋也。

北戎侵鄭鄭伯禦之患戎師曰彼徒我車懼其侵軼我也。徒步兵也

公子突曰使勇而無剛者嘗寇而速去之。公子突

春秋左傳 卷一 隱公 二

也嘗試也勇則能往無剛不恥退君為三覆以待之覆伏兵也○覆扶又反下同戎輕而不

整貪而無親勝不相讓敗不相救先者見獲必務進進而遇覆

必速奔後者不救則無繼矣乃可以逞逞解也○輕遣政反從之戎人之

前遇覆者奔祝聃逐之祝聃鄭大夫○聃乃衷戎師前後擊之

盡殪為三部伏兵祝聃帥勇而無剛者先犯戎而速奔以遇二

受敵故曰衷戎師殪死也○戎師大奔後駐軍不復繼也十一月甲寅

鄭人大敗戎師此皆春秋時事雖經無正文所謂必廣記而備

他皆放此○要於逢反

經十年春王二月公會齊侯鄭伯于中丘

傳言正月會癸丑盟釋例推經傳日月癸丑是正月二十六日知經二月誤

夏鞏帥師會齊人鄭人伐宋

公子鞏不待公命而貪會二國之君疾其專進故去氏齊鄭以公不至故亦更使微者從之伐宋不言及明鞏專行非鄭之謀也及例在宣七年

六月壬戌公敗宋師于菅辛未取郟辛巳取防

齊鄭後期故公獨敗宋師善敗宋未陳也敗例在莊十一年管宋地鄭後至得郟防二邑歸功于魯故善取明不用師徒也濟陰成武縣東南有郟城高平昌邑縣西南有西防城○管古頑反郟古報反

秋宋人衛人入鄭宋人蔡人衛人伐戴鄭伯伐取之

三國伐戴鄭伯因其不和伐而取之善伐用師徒也書取克之易也戴國今陳留外黃縣東南有戴城

春秋左傳 卷一 冬十月壬午齊人鄭人入郕

傳十年春王正月公會齊侯鄭伯于中丘癸丑盟于鄧為師期

尋九年會于防謀伐宋也公既會而盟盟不書非後也蓋公還告會而不告盟鄧魯地

夏五月羽父先會齊侯鄭伯伐宋言先會明非公本期釋鞏之去族

六月戊申公會齊侯鄭伯于老桃會不書不告於廟也老桃宋地六月無戊申戊申五月二

日誤壬戌公敗宋師于菅庚午鄭師入郕辛未歸于我庚辰

鄭師入防辛巳歸于我壬戌六月七日庚午十五日庚辰二十

獨進兵以入郕防入而不有命魯取之推功上爵讓以白誓不有其實故經但書魯取以成鄭志善之也君子謂鄭

莊公於是乎可謂正矣以王命討不庭下之事上皆成禮於庭中不貪其土

以勞王爵正之體也勞者敘其勤以答之諸侯相朝逆之以饗

勞王爵○勞力報反

蔡人衛人郕人不會王命不伐宋也

秋七月庚寅鄭師入郕猶在郊鄭師還駐兵於遠郊宋人衛人入鄭宋衛奇兵

乘虛入鄭蔡人從之伐戴從宋衛伐戴也八月壬戌鄭伯圍戴癸亥克之取

三師焉三國之軍在戴故鄭伯合圍之師者軍旅之通稱○稱尺證反宋衛既入鄭而以伐戴

召蔡人伐戴乃召之蔡人怒故不和而敗言鄭取之易也

九月戊寅鄭伯入宋報入鄭也九月無戊寅戊寅八月二十四日

冬齊人鄭人入郕討違王命也

經十有一年春滕侯薛侯來朝。

諸侯相朝例在文十五年

夏公會鄭伯于時來。

時來邾也。熒陽縣東有釐城。鄭地也。○釐音來又力之反。

秋七月壬午公及齊侯鄭伯入許。

與謀曰及還使許叔居之故不言滅也。許賴川許昌縣。○與音預還音環。

冬十有一月壬辰公薨。

實弑書薨又不地者史策所諱也。

傳十一年春滕侯薛侯來朝爭長。

薛魯國薛侯曰我先封。薛侯

夏所封在周之前。滕侯曰我周之正也。上正上薛庶姓也。我不可以

後之庶姓非周之同姓。公使羽父請於薛侯曰君與滕君辱在寡人周

諺有之曰山有木工則度之。室有禮主則擇之。擇所宜而行之。

周之宗盟異姓爲後。姓例在定四年。寡人若朝于薛不敢與諸

任齒。薛任姓齒列也。○任音壬。君若辱貶寡人則願以滕君爲請。薛侯許之

乃長滕侯。

夏公會鄭伯于邾謀伐許也。鄭伯將伐許五月甲辰授兵於大

宮。大宮鄭祖廟。○大音泰。公孫闕與賴考叔爭車。公孫闕鄭大夫。賴考叔

挾輈以走。輈車較也。○輈張留反。子都拔棘以逐之。子都公孫闕棘戟也。及大遠邾

及子都怒。遠道方九軌也。○遠求龜反。

秋七月公會齊侯鄭伯伐許。庚辰，傅于許。傅于許城下。○傅音附。穎考叔

取鄭伯之旗，登弧以先登。登弧，旗名。○登亡侯反。子都自下射之，顛而死。

○射食亦反。隊直類反。瑕叔盈又以蝥弧登。瑕叔盈，鄭大夫。周麾而呼曰：「君登矣！」

周，備也。麾，招也。○呼火故反。鄭師畢登。壬午，遂入許。許莊公奔衛。奔，不音兵。亂逃也。

知所。齊侯以許讓公。公曰：「君謂許不共，不共職首，故從君討之。」

許既伏其罪矣，雖君有命，寡人弗敢與聞。乃與鄭人，鄭伯使許

大夫百里奉許叔以居許。東偏。許叔，許莊公之弟。東，偏東也。○與音預。曰：「天福許

國，鬼神實不違于許。君而假手于我寡人。」借手于我寡人，寡人之人以討許。

唯是一二父兄不能共億。父兄，同姓群臣。共，給億安也。其敢以許自為功乎？

寡人有弟，不能和協，而使餬其口於四方。弟，共叔段也。餬，餬也。段出奔在元年，其

況能久有許乎？吾子其奉許叔以撫柔此民也。吾將使獲也佐

吾子。獲，鄭大夫。公孫獲。若寡人得沒于地，以壽終。天其以禮悔禍于許。言

加禮於許而悔禍之。無寧茲許公復奉其社稷。無寧，寧也。茲，此也。○復扶又反。又音服。唯我

鄭國之有請謁焉，如舊昏媾。謁，告也。婦之父曰昏，重昏曰媾。其能降以相從也，

降，降心也。無滋他族，實偪處此，以與我鄭國爭此土也。吾子孫其覆

亾之不暇，而況能禋祀許乎？禋，祭也。○禋，謂許山川之祀。寡人之使吾子

處此，不唯許國之為，亦聊以固吾圉也。圉，邊也。○為于偽反。乃使公孫

季火三專
卷一 隱公

春秋左傳卷之九

獲處許西偏曰凡而器用財賄無實於許我死乃亟去之吾先

君新邑於此此今河南新鄭舊鄭王室而既卑矣周之子孫且

失其序鄭亦周之子孫夫許大岳之胤也大岳神農之後堯四岳也胤繼也○大音泰天而

既厭周德矣吾其能與許爭乎君子謂鄭莊公於是乎有禮禮

經國家定社稷序民人利後嗣者也許無刑而伐之服而舍之

刑法度德而處之量力而行之相時而動無累後人我死乃亟去之無累

後人○度待洛反可謂知禮矣

鄭伯使卒出穀行出犬雞以詛射頑考叔者有人為卒二十五人為行行亦卒之

行列疾射頑考叔者故令卒及行君子謂鄭莊公失政刑矣政

以治民刑以正邪既無德政又無威刑是以及邪大臣不睦又不能用刑於

邪邪而詛之將何益矣

王取鄆劉二邑在河南緱氏縣西南有鄆為刑之田于鄭為刑

邑○為尤委而與鄭人蘇忿生之田蘇忿生周武王司寇溫今

反邢音于原在沁水緝在野王縣西南樊一名陽樊野王隰在懷縣

欒在修武縣北向軹縣西有地名盟今盟津州今州陘關

陘音隕在修武縣北懷今懷縣凡十二邑皆蘇忿生之

以知桓王之失鄭也怒而行之德之則也禮之經也已弗能有

而以與入人之不至不亦宜乎蘇氏叛王十二邑王所不能

春秋左傳卷之九 隱公 三

春秋經傳卷一終

春秋經傳卷一終

